

姜卿雲編

浙江史地概要



上海图书馆藏书



A541 212 0014 7210B



浙 江 史 地 概 要

姜 卿 雲 編



中 華 民 國 二 十 八 年

一 月 初 版

非 賣 品

序

我國各省通志及府縣志汗牛充棟屈指難數然往往繁而過雜簡而多漏欲求一顯明扼要切於實用者誠不易得心嘗病之竊思創編合於現代所需之新志吾人有不能辭其責者歟乃于民國二十五年間公餘之暇手編浙江新志以問於世體裁既脫前人窠臼敘述亦復力求明顯名曰新志者非僅新編之謂乃兼含新創之意也殺青以來不脛而走無翼而飛謬承諸讀者之垂愛彌覺無上之榮幸也惟存書將罄供難應求心復病之去年冬應浙江省黨部青年工作團之約任講本省史地因鮮適當講材乃搜集羣書鉤玄提要別成浙江史地概要排印行世擬諸新志雖覺遜色然新志一時未能改訂重印得此亦聊勝於無已於此有不得不向讀者鄭重一言者蓋此書原係講稿隨講隨編初非嚴定篇章發凡起例首尾一貫之作此所以遜前作而望讀者之隨時指正者也最後更有不能已於言者當余纂述新志以前邊疆藩屬雖屢啓爭釁而內部之領土固完整也茲者敵寇深入首都

浙江史地概要 序

二

失守而我浙江亦僅存浙東半壁昔稱繁華之地今成瓦礫之場念言及此能不痛心願吾同胞追念先人締造之艱難毋忘匹夫之責任應如何嘗膽臥薪報仇雪恥行見河山儘收復金甌永鞏固端賴同胞之及時發奮圖強萬衆一心也是爲序

中華民國二十八年一月十五日蘭谿姜卿雲



浙江史地概要目次

第一章	建設與沿革	一——二
第二章	位置及名稱	二——三
第三章	區域及面積	三——五
第四章	形勢及山川	五——八
第五章	地質與氣候	九——一〇
第六章	住民及人口	一〇——一一
第七章	言語及風俗	一一——一三
第八章	物產	一三——一五
第九章	交通	一五——一八
第十章	商埠	一八——二〇

浙江史地概要目次

二

第十一章 省會與杭州市……………二一—二二

第十二章 人口較密之縣份……………二二—二七

第一路……………二三—二五

海甯 海鹽 平湖 嘉興 吳興 長興 武康

第二路……………二五—三二

蕭山 紹興 餘姚 慈谿 鎮海 定海 鄞縣 奉化 新昌

天台 臨海 黃岩 樂清 永嘉 瑞安 青田 麗水 縉雲

永康 金華 義烏 諸暨

第三路……………三二—三七

富陽 新登 桐廬 建德 壽昌 蘭谿 龍游 衢縣 江山

常山 開化 遂安 淳安 昌化 於潛 臨安 餘杭

第十三章 西湖之勝景……………三七—四一

第十四章 浙江秋潮之壯觀……………四一—四三

第十五章 浙江之五大名山……………四三—五〇

天台山 天目山 天童山 雁蕩山 普陀山

第十六章 著名之勝蹟……………五〇—六五

大滌洞 洞霄宮 富春江 觀山 鴛鴦湖 烟雨樓 范蠡宅

朱買臣墓 太湖 莫干山 計籌山 雪竇山 鏡湖 臥龍山

會稽山 蘭亭 禹陵 東湖 蕪山 快閣 柯岩 五洩山

浣紗溪 苧蘿村 九江山 寶相寺 北山三洞 八詠樓 講

堂洞 煉丹山 洞源 橫山 方岩 靈岩 欄柯山 江郎山

仙霞嶺 七里瀧 釣臺 南明山 三岩寺 石門洞 仙都山

鼎湖峯 括蒼山

第十七章 浙江之文獻……………六五—六八

浙江史地概要目次

浙江史地概要目次

四


第十八章 浙江先烈與民族英雄……………六八—七二

宗澤 張國維 錢肅樂 張煌言 徐錫麟 秋瑾 陳其美

第十九章 近代浙江學術大師……………七二—七九

王守仁 劉宗周 朱之瑜 黃宗羲 朱彝尊 萬斯同 齊召南

全祖望 孫詒讓 俞樾 黃以周



浙江史地概要

蘭谿姜卿雲心白編

第一章 建置與沿革

本省地方，唐虞爲揚州之域，夏商周因之。春秋分屬於吳越，後悉併於越。戰國屬楚。秦時分隸於會稽鄞閩中三郡。漢分屬於會稽郡，東西南三部都尉及丹陽郡。後以諸郡隸揚州刺史部。後漢時爲會稽吳丹徒三郡。三國屬吳，又增置臨海吳興東陽新都四郡。晉改新都爲新安，又分臨海置永嘉。南北朝仍舊七郡，亦隸揚州。宋孝建初，分浙東五郡爲東揚州，而以浙西二郡爲揚州。大明三年，改揚州爲王畿，以東揚州爲揚州。至八年，又稱東揚州。景和初，省東揚而統稱揚州。梁改東揚爲金華。隋御屬杭婺處陸吳蘇嶽七州。唐分湖杭陸越明衢處婺溫台十州，初屬江南道，後分隸江南東道。乾元初，更分置浙江東西二道。五代時爲吳越國，又析置秀州。宋置兩浙路。高宗南渡，建都臨安，分浙東浙西二路，臨

第一章 建置與沿革

嘉二府，湖嚴二州，俱屬浙西；紹興、慶元、瑞安三府，婺、台、衢、處四州，隸浙東。元置浙江行省，改府州爲路。元末方國珍據有此地。明初又爲浙江行省，後改設浙江布政使司，改路爲府。清因之。民國初廢府，分錢塘、會稽、金華、甌海四道，旋廢道存縣，十六年，析杭縣地置杭州市，直隸省政府。

第二章 位置及名稱

位置（緯度）浙江省會杭州緯度爲三〇度一四分九秒一五。係於民國五年，在杭州舊藩署測量局，建築天文臺。用子午儀觀測經緯度，費時五月之久，緯度依泰爾考脫氏法，以代用天頂儀之子午儀，在天文曆中選出三十一對之恆星，實測四個月，所得五十六次結果之平均數如上。（經度）浙江省會杭州經度爲一二〇度九分三四秒。係用子午儀，依太陰南中法，實測五個月，以英國格林威起爲起點，其平均結果如上。

名稱 浙江之「浙」字，含有「山峻水瀉河流曲折」之意。因浙江斜貫省境，故省名曰浙江。其江流像形如「之」字，又名曰之江。考司馬遷所撰史記中有云：「秦始皇統一中國以後，曾東渡浙江而觀滄海」。蓋浙江名稱之由來，於今已屆二千一百餘年矣。

第三章 區域及面積

區域 本省東瀕東海，包有舟山羣島。北隔太湖與江蘇相望。西北以天目山脈，與安徽分界。西南以仙霞嶺與江西相鄰。南以仙霞嶺之支脈與福建相接。全省設市一，轄縣七十五。市縣名稱如下：杭州市、杭縣、海甯、富陽、餘杭、臨安、於潛、新登、昌化、（以上係舊杭屬）嘉興、嘉善、海鹽、崇德、平湖、桐鄉、（以上係舊嘉屬）吳興、長興、德清、武康、安吉、孝豐、（以上係舊湖屬）鄞縣、慈谿、奉化、鎮海、定海、象山、南田、（以上係舊甯屬）紹興、蕭山

浙江史地概要

四

、諸暨、餘姚、上虞、嵊縣、新昌、（以上係舊紹屬）臨海、黃岩、天台、仙居、甯海、溫嶺、（以上係舊台屬）金華、蘭谿、東陽、義烏、永康、武義、浦江、湯溪、（以上係舊金屬）衢縣、龍游、江山、常山、開化、（以上係舊衢屬）建德、淳安、桐廬、遂安、壽昌、分水（以上係舊嚴屬）永嘉、瑞安、樂清、平陽、泰順、玉環、（以上係舊溫屬）麗水、青田、縉雲、松陽、遂昌、龍泉、景甯、慶元、雲和、宣平、（以上係舊處屬）

面積 全省面積據內政部發表，根據參謀本部陸地測量局，測定數為三一〇・六二四方里。申報年鑑所載，曾世英推算為一〇一・〇六一方公里。在全國各省中，面積比較為最小。各縣面積最大者為平陽縣，計二萬二千七百六十一方市里，最小者為桐鄉縣，計一千五百〇六方市里。

本省土地根據浙江省陸地測量局，二十四年七月編算之浙江省各縣面積分類明細表所載，總面積計五二四〇五七・一八方市里。其中平地計一〇〇八九三・

○五方市里。山地計二八七〇〇七。四六方市里。道路計七三九。一一方市里。河湖計九六〇九。五一方市里。沙塗計七〇〇二。〇七方市里，海灣計一一八八〇四。九八方市里。

第四章 形勢及山川

本省地方僻處東海之濱，南屏雁蕩山脈，西負仙霞山脈，以地位非南北要衝，頗足四塞自守。在歷史上觀察，浙江常爲偏安之地，如春秋之越國，五代時之吳越，南渡後之宋室，均賴以苟安一時。其實浙江爲東南富庶所在，亦爲兵家必爭之地。降至近世，海禁洞開，沿海港灣，各國均思插足，以爲根據。鴉片之役，英人首佔定海，其後卽有舟山羣島永遠不得割讓他國之約；可知舟山不僅爲本省之屏障，並可握東南海上交通之樞紐。自滬杭甬鐵路完成，江浙近若比鄰，江蘇軍事，恆足影響本省，於是楓涇石湖蕩各處，均爲軍事上之要隘。仙霞關扼閩

第四章 形勢及山川

浙要道，有一夫當關萬夫莫人之優勢，實爲可戰可守之地。自浙贛路完成，與江西交通尤爲便捷。西部昱嶺關，舊時亦爲險隘，爲人皖之孔道。今後倘能象山舟山軍港築成，即可御南北洋海軍。東方大港實現，定可操縱全國中部商業。三門灣農墾事業發展，又可救濟全省農業。加以沿海漁鹽之饒富，人民之活潑，浙江雖僻處海濱，實足繫全國之安危。

山脈 本省主要之山脈，爲南嶺幹支所盤亘，在安徽南部突起者爲黃山山脈

。環繞徽洪上游，又突起於昌化縣境者，曰天目山脈。天目有東西兩峯，相距二十餘里。東天目屬臨安縣。西天目屬於潛縣。兩峯之頂，各有一池，故名曰天目。東天目拔海五千呎，爲浙省第一高峯。浙西諸山，以天目爲大幹。南迤浙贛界上曰仙霞嶺。更沿閩浙界上爲楓嶺山脈。東行爲雁蕩山脈。以南雁蕩山爲主峯。更分支向東北盤亘於浙甌兩江之間，爲括蒼山脈。南出爲北雁蕩山，從括蒼山更分支爲二，東北行於曹娥、甬江、靈江間者爲天台山脈。再東向甯海極於象山，

南抱南田象山港北奉化大幹極於崎頭山。東繫舟山羣島，北行於曹娥江錢塘江間者，曰會稽山脈。

水系 浙江有二主源：北曰新安江，發源於安徽歙縣之黃山，又稱徽港。向東南流，從街口鎮入浙江省境內，經遂安淳安等縣，到建德縣城之西南，即與南源相會。南有二源：一曰衢江，一曰婺江，衢江又有二源：甲出開化縣北之馬金嶺，乙出江山縣南之仙霞嶺。甲乙兩源到衢縣城西之雙溪口而互相會合，再向東流到蘭谿縣，乃與婺源相會。婺港源於東陽縣南之大盤山，經金華縣流到蘭谿縣，此時衢港與婺源相會後，即直向北流到建德縣與北源之新安江會合，再向北流至桐廬縣之東北，有一發源於天目山之桐溪，自於潛分水等縣來會，於是同向東北流，經富陽縣城南，到蕭山縣西，再合浦陽江折向東北，經杭州市城南，始稱爲錢塘江，更由海甯流入大海。以上所經之地，均爲錢塘江流域。此外尚有甬江椒江甌江諸流，甬江又名鄞江，其上流從四明諸山匯合溪澗之水，流到鄞縣與

奉化江會合，到鄞縣城東北之三江口，會合姚江，再東北流爲大浹江，到鎮海縣之城南，而流入於海。椒江一名靈江，又名澄江，其上流有二：一爲天台縣之始豐溪，發源於天台山。一爲仙居縣之永安溪，發源於括倉山。到臨海縣西十里，即合爲澄江。下流容納黃岩縣之永甯溪，又東流經海門城入海。甌江源曰大溪，自龍泉以西匯合溪澗之水，流到麗水縣境，又有一水名好溪，從縉雲縣來會，向東流到青田縣再合小溪之水，到永嘉縣東境，流入於海。運河自杭州市北境，北流至杭縣塘棲，再至崇德縣北，東流經石門，在石門鎮，分金牛白馬兩塘，合爲爛溪塘。北流經烏鎮入江蘇境至平望，爲大運河之南段。尙有自嘉興至平望一段，及平望至吳興一段，連絡苕溪諸水。東塘運河，自吳興南潯鎮，可東赴上海。紹興運河，自西興驛，東經蕭山縣城，及錢清鎮柯橋至紹興西門，皆順流。又自東郭，古溯皋埠分爲二渠。曹娥壩，則爲運河之終點。其自永嘉縣城，至平陽縣一段塘河，則與甌江飛雲江貫通。

第五章 地質與氣候

地質 本省地質，東西兩部大不相同。西部以片岩、沙岩、石灰岩爲主，東部則以斑岩、花崗岩爲主。其沿錢塘江一帶，自江山縣至建德（嚴州），沿江兩岸多爲赭色岩層。自江山至龍游江東一帶，多含炭砂岩層。自桐廬至富陽一帶，兩岸亦爲含炭砂岩層。江東尤多花崗岩。富陽至杭州一帶，以火山岩、隗塊岩、凝灰岩爲主。又因錢塘江橫貫省境，本省地質之構造，顯然分爲閩浙平地與江湖山地兩大部分。在本省北部，又有錢塘江之沖積層平野，與太湖之沖積層平原，地味最爲膏腴。在東海中之舟山羣島，則又爲迸發岩。

氣候 本省氣候，可大別爲平原氣候與山地氣候，及沿海氣候三帶：浙江以北，太湖以內，及浙江南岸之一部分，大都爲廣衍平原，氣候全屬溫帶性，寒暑不甚酷烈，以杭州市爲標準，夏季有時雖炎熱，平均溫度在攝氏表二十七八度；

冬季有時因風雪關係，平均溫度亦在五六度之間，全年平均溫度爲十六度，風向以季候風之轉變，春夏多東南風，秋冬多西北風。雨量亦以風向關係，以夏秋兩季爲多，春冬較少，全年總雨量計有一五三〇公釐。四五月之交，又有黃梅雨，空氣非常溼潤。冬春多雪，但易於消融。山地一帶氣候，比較平原氣候變化差劇。東南部分，屬於副熱帶，夏季較熱；東南近山區城，空氣鬱溼，時有瘴癘。因本省山嶺分布錯綜，風向雨量，常受阻隔，所以常不一律。至於沿海一帶，全係海洋性氣候，寒暑適宜，雨量較內地爲多。但五六月間，時有太平洋之風暴掠境而過，天氣卽有劇烈之變化。

第六章 住民及人口

本省住民，自洪楊戰役以後，大爲減少。現在漸形恢復，人口的密度，居全國第二位。據民國十七年八月民政廳調查，計有四、六四八、五三四戶。就住民

種別而言，當以漢人爲主，間有少數滿人，係清末駐防旗人之遺裔；但近來多變更姓名，而同化於漢族。甯紹一帶，有元時駐兵之遺裔，號曰墮民。又有江山九姓漁戶，自爲一族，多事教坊理髮茶寮諸業，計温州、樂清、嚴州、桐廬、衢縣、開化等處約二千人。西南山中又有一種畚客族，本爲從廣東移來之獠族，其體質容貌，以及風俗言語習慣，均與漢人不同，彼等自稱爲峯觚之後裔，數約三四萬。多散處於永嘉、瑞安、平陽、泰順一帶。在杭州間有少數回人。外僑雜居本省者，約有百數十人。本省人口調查，據清宣統二年調查爲一七、六〇九、一〇九人。民國十年海關調查爲二二、四五二、〇〇〇八，十一年郵務局調查爲二二、七八六、〇六四人。據民國二十年內政部調查本省人口二〇、六四三、〇〇〇人。平均每方公里約得二〇四人強。各縣人口以紹興縣爲最多，計一百一十一萬二千九百三十八人。以南田縣爲最少，計三萬零八百零九人。

第七章 言語及風俗

本省言語多爲甌語，卽浙江方言。居都市者，稍通國語。此方言有二種，其一卽溫州方言，仙霞嶺山脈以南居民多用之；其語音稍近福建方言，與國語大異，使用此種方言人數約在一百萬人以上。其二爲甯波方言，與上海松江等處方言大同小異，仙霞嶺山脈以北人民多用之。除此二種外，尙有所謂杭州官話，聲音清亮，大概南宋建都杭州時，爲士大夫聚集而流傳之一種語言，傳至今日，則與普通官話相差遠矣。其餘各縣言語，多自成一系統，考其原因，由於山嶺間隔所致，交通不便之處，山南山北，亦有不同，故本省言語頗爲複雜。言民族性則居瀕海者，多活潑而不憚勞動，不畏海行，善於經商，最適於船員及水夫，因之往鄰省各地從事操舟業或管理機器業者頗多，其中以甯波幫最占勢力，而溫州幫次之。在仙霞山脈以南之人民，性情強悍，好勇鬥狠，勤於農工。浙西一帶大都性情柔和，溫文爾雅，喜事文藝。近年交通日漸便利，外來物質文明，在都市間見奢侈浮靡，在內地亦漸爲濡染。未受教育及年老婦女，大都迷信神權，富於崇拜

性，全省寺廟遍地皆是。至於墮氏多事薙髮樂工喜娘等業，自成風氣。畚客族亦與漢族大異，其俗男子治內，女子治外，婦女產兒，撫育責任，多由男人負之。

第八章 物產

天產物 本省天然物產之分布，因平原山地沿海而不同。大抵平原以農產物爲主，山地以林礦爲主，沿海以漁鹽爲主。天惠優厚，蔚爲全國富庶之區。農產物以稻麥粟豆爲主，大抵在太湖灌域及苕溪曹娥江甬江浦陽等流域產量爲最多。此外嘉湖一帶，桑林遍野。甯紹一帶，棉田廣大。杭州龍井與紹興平水之茶，稱本省三大產物，占全國生產重要位置。果品以本省南部地近亞熱帶，氣候溫和，故所產果品，多爲漿果，如黃岩之橘，永嘉之柑，可埒福建所產。餘如杭州西湖之藕，菱湖之菱，塘棲之甘蔗及枇杷，蕭山楊梅，奉化水蜜桃均頗負盛名。林木產地，多在浙東，因山嶺連綿，所產材木，頗爲豐富。最著者如遂安壽昌蘭谿之

浙江史地概要

一四

油桐，淳安之漆，麗水永嘉之樟樹杉木，龍游之竹，其他如柳、榆、槐、楸、槐、榆、椿、楓、櫟、各處皆有。動物如虎豹狼狽獾狸等，則多產於浙東深山中。飛禽如燕、雁、鷹、雀，則鄉村叢林都有產生。民家多飼養牛羊犬豕等，尤以金屬各縣產家最多。家禽多鷄鴨等，以紹興越鷄，最負盛名。魚類如鯽、鯉、鱖、鰱、及蝦、蛤、蟹、鼈，多產於內地河湖中。沿海在舟山羣島一帶，爲天然漁場，所產魚類頗多。西湖青魚，嚴灘鱖魚，尤爲遐邇聞名。礦產則散佈全省，蘊藏頗富。長興產煤，平陽產明礬。弗石礦多在金華義烏武義等縣。石灰產於長興樂清等縣。青田圖書石，昌化鷄血石，素負盛名。雲和產鐵，數亦不少。沿海各地，產鹽尤豐。

工業品 本省工業品，以絲織品爲最著。以杭州嘉興吳興紹興等處爲中心地，以湖州之七里絲海甯絲及杭紹大蠶絲，品質最爲佳良。至於棉織品，亦普發達。如杭州三友實業社及通益公甯波和豐蕭山通惠公等紗廠，規模宏大，生產亦豐。

。紙張出品，以金衢處舊府屬爲最盛。分白紙黃紙二種，都爲手工業。機器造紙廠，則如嘉興杭州等處之民豐紙廠，設備新穎，出產頗豐。其餘如杭州紙扇剪刀烟粉，嘉興之銅錫器，湖州毛筆，寧波漆器草蓆，罐頭食品，奉化竹器，紹興黃酒，金華火腿，衢州皮箱，溫州紙傘，龍泉磁器寶劍，都早負盛名。

第九章 交通

(驛道)本省舊驛道，以杭州爲中心。一由東北經嘉興，沿大運河入江蘇境。一由西南沿錢塘江，經建德、衢縣、越仙霞關入福建境。一由東南渡錢塘江，經紹興、餘姚、至寧波，更南行臨海、永嘉，入福建。一經吳興入安徽之廣德，一經長興入江蘇宜興，更由建德經淳安至安徽之歙縣。(公路)全省公路，四通八達，較前徒步便利多矣。一自杭州經武康吳興長興，直達南京。一自杭州經海寧海鹽乍浦，直達上海。一自杭州經崇德桐鄉嘉興嘉善，亦可直達上海。一自杭州

經武康吳興長興廣德，可直達安徽之蕪湖。一自杭州經崇德桐鄉嘉興平望，可達蘇州。一自杭州經餘杭臨安於潛昌化，可達安徽之徽州。一自杭州經富陽新登桐廬建德壽昌蘭谿龍游衢縣常山玉山，可直達江西之南昌。再自衢縣南行經江山，亦可達福建之浦城。一自杭州經蕭山紹興曹娥，可達甯波；而接海道。一自杭州經蕭山紹興嵊縣新昌天台，可達臨海海門；而接海道。一自杭州經蕭山紹興嵊縣東陽永康縉雲麗水，可達溫州；而接海道。又自麗水南行經雲和龍泉，可達福建之浦城。全省各縣除安吉孝豐分水景甯宣平等縣尙未完成，及定海南田玉環等縣因在島中之外，其餘大都有公路可達。（鐵路）一自杭州經嘉興嘉善，直達上海南京。更由嘉興經平望，亦可達蘇州。一自杭州經蕭山紹興曹娥餘姚慈谿，可達鄞縣。一自杭州經蕭山諸暨義烏金華湯溪龍游衢縣江山，直達江西之南昌。（水路）本省水路，可分爲沿海與內河二途。沿海航路，以寧波溫州兩處爲中心。北至上海，南至福州，均有定期汽船往來。其如乍浦龍山鎮海岱山普陀象山石浦海門等

處，均可寄碇停泊。至於內河航路，以浙西平原爲最便利。運河全部，可以通航，有小汽輪往來，北通德清吳興嘉興間，南通紹興曹娥間。錢塘江下流水大，小汽輪可從杭州西至桐廬，南至諸暨。自桐廬以上，又通行帆船，可直至江山。甬江可從鎮海至甯波，西通餘姚，南至奉化。餘姚以下，有小輪通甯波。餘姚以上，民船通百官，接紹興之運河。靈江在天台以下，可通民船，西達臨海，南至黃岩。甌江在鵲泉以下，只通小船。麗水以下，稍形暢利。青田溫溪以下與永嘉間，可航行小輪。至於各江上游，及其餘諸水；民船均可通行，否則亦能以木筏運輸，故本省沿海及內河航行，尙稱便利。（郵電、郵政以民國二十一年統計，全省郵路爲一萬九千四百餘公里。業務方面，郵件遞寄四七、二〇三、一〇〇件。遞寄包裹三六〇、〇〇〇件。開發匯票之銀元數爲七、七〇七、六〇〇元。又據民國二十七年份之報告，業務方面，郵件包裹共收計普通郵件二千萬餘件。掛號快遞等一百六十餘萬件。包裹約計十五萬餘件。匯兌方面開發各種匯票總數約九百

二十餘萬元。兌付匯票總數約一千一百七十餘萬元。郵政儲金方面計存款總數約計一百五十萬元。儲戶約計八千三百戶。本省電報幹線，計一等線從江蘇於江經嘉善嘉興硤石至杭州，更渡錢江經蕭山紹興諸暨浦江蘭谿衢縣江山南入福建浦城。二等線有三：一從安徽深港，經淳安建德蘭谿金華武義永康縉雲至永嘉；一從杭州北經石門桐鄉嘉興通江蘇盛澤；一從紹興東通餘姚甯波。三等線從甯波，南通甯海臨海黃岩海門。長途電話，除南田定海等縣外，其餘均可直達。杭州嘉興等十餘縣，鄉鎮亦有電話裝置。

第十章 商埠

本省內陸商埠有杭州一處，濱錢塘江北岸。沿海商埠有二處：卽甯波（鄞縣）溫州（永嘉）。均瀕東海，與海外貿易，居二三等地位。茲分述如下：「一杭州」清光緒二十一年，中日締結馬關條約後，將城西北距湖墅不遠之拱宸橋，闢爲商

埠，日人曾竭力經營，如興辦中日汽輪會社，連接江墅支線，首創公倡戲院，以招徠遊客。然終以地位關係，一般商旅，均視該埠爲暫時停足消遣之地，與商業不生任何影響，依舊麇集於湖墅一帶，或在城內交易。日本租界之地位，在運河與陸務河之間，南依拱宸橋，占地一千八百九十畝。界內雖築有馬路，大都荒蕪冷落不堪。日本警局及三數東洋商店之外，僅少數小戶居住而已。除大馬路及福海里等處公倡花捐收入外，幾無商業可言。但杭州自古以來，與國外貿易已盛，阿剌伯波斯之商賈，屢往來其間，曾數見於載籍。自關商埠後，滬杭鐵路公路相繼通車，內河汽船日多，交通稱便，商務自盛。城北湖墅爲米紙業之中心，城南閘口南星橋爲沿江山貨之集散地。城內多大商店，以清河坊保佑坊三元坊薦橋聯橋爲中心。西湖濱之新市場，旅館茶樓，櫛比林立，香市時尤爲鬧熱。輸出爲生絲絲織品，茶扇藥材等。輸入以棉紗棉織物，砂糖銅鐵石油洋廣雜貨爲大宗。「二寧波」清道光二十二年，中英江甯議定條約，開闢商埠，爲五口之一。公共居

留地，在城東北姚江北岸，有新江橋相通，沿岸多汽船碼頭，船舶進出，帆檣如雲。滬杭甬段鐵路于此爲終點，市街尤爲繁盛，城隔鄞江，爲江東區，商務亦盛，以百丈街後塘街樹行街爲中心。城內以東西大街，紫微街，船行街，城外以糖行街雙街半邊街爲最熱鬧。主要輸出品，以綠茶粗布毛氈蓆扇傘草帽藥材花生油木器棉花魚鮫爲大宗。輸入品，以棉紗棉織品砂糖石油鐵錫烟草爲大宗。「三温州」清光緒二年中英烟台條約訂立後，闢爲商埠。商務均在城內，以南門大街北門直街府前街五馬街爲最繁盛。但以介於甯波福州兩商埠之間，又以歐江口狹灘淺，大艦不能自由進出，因之商業未見興盛。輸出品以竹木甌網雨傘藥材柑橘烟草獺皮等爲大宗。輸入品以棉紗棉織物，石油焦扇染料火柴糖洋廣雜貨爲大宗。温州內地，生產甚富，如能發展交通事業，以利運銷，則不難與甯波並駕齊驅。實業計劃中，擬於甌江口温州島北之磬石衛，築爲三等港，以設發展商業焉。

第十一章 省會與杭州市

杭州爲錢塘江下流之天然良港，北有運河，西有西湖，形勢極其優美。漢爲錢塘縣，三國以來，歷代都稱財賦之淵藪。隋時開始築造城垣，周圍凡三十六里。五代時吳越王錢鏐都此，名曰西府，城垣擴充，周圍七十餘里。自漢至唐一千餘年以來，錢江沙漲，逐漸沖積於武林山下，造成膏腴沃野之杭州，蓋秦漢時之杭州，位置尙在山麓，至唐宋時始遷平原之地。當唐貞觀時杭州卽有十一萬餘之居民，魚米出產頗豐，商賈往來極盛，日湖山秀麗，風物繁華，爲吳縣所不及。南宋建都於此，改名曰臨安府，風帆出沒錢塘江上，百姓又爲斯富者居多，當日之杭州，堪稱爲極盛時代。蓋自南渡建都杭州以後，百數十年來，戶口與日增多，買賣亦隨之發達，街坊橋道，橫直都爲極比之院落，京城內外，居民凡數十萬，處處皆有茶坊酒肆果子絨線香燭等之店舖。當時通用之貨幣，以銅錢爲單位

，又印造有「會子」「關子」，猶今日之鈔票，流通市面。元屬杭州路，明清改稱杭州府，爲浙江省治，又號武林，或稱虎林。民國肇建，省會在焉。城西舊旗營，改闢爲新市場，拆去沿湖城垣，爲湖濱公園。近年修馬路，又將南部城垣拆去，交通愈便。機關學校均在城內，工廠多在城北或城外，商務殷盛，市街繁華，與蘇州有「上有天堂下有蘇杭」之稱。民國十六年，劃杭縣所屬城區西湖會堡湖墅皋塘江干等六區，爲市區範圍。於同年五月十七日成立市政廳，六月二十日，改稱市政府。全市面積凡三十四萬一千八百〇九畝。住民凡十萬餘戶，人口約計五十餘萬。本市工商業情形，詳本書第十章商埠部份。城西之西湖，名聞於世界，周約十七公里，其中勝蹟風光，另詳於本書第十三章中。

第十二章 人口較密之縣份

本省共轄一市七十五縣，近又就大盤山，建置磐石縣，合爲七十六縣。屬於

錢塘江流域者，凡一市三十三縣。屬於甌江流域者，凡九縣。屬於靈江流域者，凡四縣。屬於甬江流域者，凡五縣。屬運河流域者，凡五縣。其中人口較密，交通較便者，計四十七縣。茲爲便於考察或旅行起見，依其交通路線，劃分爲三路，分述如下：

第一路

(一)海甯 自杭州出發，乘公路車凡四十六公里，即達海甯。海甯在漢時，爲海鹽縣之鹽官，有捍海塘，接杭縣界。歷代增修。大東門外，及小普陀，爲觀浙江潮之勝地。縣北硤石鎮，產絲甚盛，稱海甯絲，由海甯縣城乘公路車，凡五十五公里，直達海鹽。

(二)海鹽 古名武原鄉，秦爲海鹽縣。縣南三十六里有鎮曰澉浦。考水經云：東南秦望山，旁有谷水流爲澉浦。明洪武中，築城浦上。鎮西六里有永安湖，四圍皆山，亦號小西湖。縣中鹽絲出產頗豐。由縣城乘公路車經乍浦，凡三十

公里，直達平湖。

(三)平湖 古當湖市，明分海鹽地置平湖縣。沿海乍浦鎮，即實業計劃中之東方大港，形勢頗爲險要。海濱多產魚鹽，所製糟蛋尤負盛名。當湖在城東，水道可直達上海，舟楫便利，爲一邑之勝。由縣城乘公路車計程二十九公里，直達嘉興。

(四)嘉興 清爲嘉興府治，漢爲由拳縣地。城瀕運河東岸，通滬杭甬鐵路及蘇嘉鐵路，且介於蘇杭之間，又近上海，因之工商業繁盛。人口約數十萬，城南有鴛鴦湖，湖中有烟雨樓，頗饒勝景。湖中產菱，甚有名。但因地處運河及鐵路中心，常爲軍事上必爭之地。由縣城乘公路車，經平望沿太湖直達吳興。水道亦可通行。

(五)吳興 清爲湖州府治，漢爲烏程縣。三國爲吳興郡地。縣城距太湖南岸不遠，人口約十萬餘，產繭之盛，冠於全國。所出湖縐最有名。又善製筆，稱爲

湖筆。有護聖萬壽寺，爲宋時禪林十刹之一。縣東有南潯鎮，在太湖南岸，商業繁盛，蠶絲爲最，富庶甲全省。縣南有烏鎮，西南有菱湖鎮，商業亦盛，由縣城乘公路車西北行，計程二十六公里，直達長興。

(六)長興 長興在吳興西北，當江浙皖三省之衝道，爲本省西北重地。縣西合溪有長興煤礦公司，開採有烟煤，連往滬杭各埠。由縣城乘公路車，計程六十九公里，直達武康。

(七)武康 後漢分烏程餘杭二縣地，置永安縣，晉改今名。縣北二十七里，有莫干山，上有鑄劍池，水常清澈，旁有磨劍石，世傳吳王鑄劍於此，取莫邪干將之義以名，今闢爲避暑區。縣東南三十五里有計籌山，越大夫計然於此籌國計。山中有白石洞天，宋詞人姜白石隱此。由縣城乘公路車，計程二十餘公里，直達杭州。此爲第一路完畢。

第二路

第十二章 人口較密之縣份

(一)蕭山 在紹興之西，與杭州僅一江之隔。由杭州出發，鐵路公路水道均可直達。其西有西興鎮，舊爲鐵陵關，隔江與杭州相對，爲入浙孔道。浙贛鐵路及滬杭鐵路均經過縣境。西南有湘湖，水利甚溥，且產陶土，可製磚瓦，產苧菜頗有名。蠶絲出產，亞於紹興。北部沿錢塘江一帶沙地，宜於棉花，產量亦豐，稱蕭山棉。工商業俱有相當發展。由縣城乘公路車，計程四十三公里，直達紹興，水道鐵路均可通行。

(二)紹興 清爲紹興府治，春秋越都，漢山陰縣，會稽太守治此。城瀕運河南岸。人口凡數十萬，有紡績工廠，釀造紹興酒著名，酒稅年達三十萬兩左右。商業甚盛，名勝古蹟頗多。滬杭甬鐵路經過縣境，由此乘火車或公路車，經曹娥，可達餘姚。

(三)餘姚 在紹興東北，分南北二城，隔江對峙，中跨石橋，往來船隻，可揚帆而過，稱浙東第一橋。爲王陽明黃宗羲朱舜水諸先生誕生之地，所產草帽頗

著名。由此乘火車可直達慈谿，或由公路繞道亦可通行。

(四)慈谿 開元時分鄞縣地，置慈谿縣。海濱多產鹽，北有觀海衛，爲沿海要鎮。由縣城乘公路車，經駱駝橋，可達鎮海。

(五)鎮海 縣城扼大浹江之口，招寶與金鷄兩山，隔江對峙，爲第一重門戶。江口以外海中之虎蹲山，又與濱海之靈山遙對，爲第二重門戶，均爲海防要地。由縣城乘輪船，計程一百二十里，可達定海。

(六)定海 清爲定海廳，民國改縣。四面環海，舟山羣島屬焉。縣城在島南岸，定海港水深港闊，港外羣島羅列，實爲東海中一極佳避風地。島中山多田少，農業不甚發達，但海濱漁利極豐。縣東有普陀山，爲國內四大名山之一。由縣城乘輪船，可達鄞縣。

(七)鄞縣 漢爲鄞縣，唐初爲鄞州，後改爲明州餘姚郡，宋爲明州慶元府，元爲慶元路，明初稱明州府，後改爲甯波府，清因之，民國廢府爲鄞縣。距省城

約一百七十公里，距上海水程一百三十哩。爲滬杭甬路之終點，本省重要之海口。城周約八公里，車站西南約一公里有月湖，中多島嶼。人民敏捷質樸，擅經商，外省稱甯波幫，在上海市場，尤占勢力。因地處海濱，開埠最早，商業冠於全省。由此經鄞奉路，直達奉化。

(八)奉化 唐開元時分鄞縣地，置奉化縣，屬明州。縣西有溪口鎮，羣山環抱，萬流所聚，爲天然雄偉之勝境，卽中華民族領袖 蔣先生誕生之地。縣西六十里有雪竇山，風景甚佳。手工業品有竹器，頗著名。由溪口乘公路車，計程六十二公里，可達新昌。

(九)新昌 吳越時分剡縣地，置新昌縣。距嵊縣十五公里，產菸葉頗豐。城外南明山寶相寺有石佛，高數十丈。由縣城乘公路車，經拔茅，計程六十公里，直達天台。

(十)天台 漢回浦縣地，縣北有天台山，隋時天台大宗，開宗於此。有國清

寺萬年寺及其他諸巨寺。由縣城乘公路車，經高視，計程六十四公里，可達臨海。

(十一)臨海 清爲台州府治，漢爲回浦縣。城瀕椒江，北有大固山，形勢扼要。縣東椒江口南岸，有海門鎮。海輪可通上海福建甯波等處，商業頗盛。海中魚鹽之利不少。由海門經路橋，乘公路車，計程凡三十一公里，可達黃岩。

(十二)黃岩 唐上元時分臨海縣地，置永甯縣。武后時改爲黃岩縣。所產蜜橘頗負盛名。縣東路橋鎮，商業繁盛。由此乘公路車，經澤國及雁蕩山附近之白溪，可達樂清。

(十三)樂清 晉分永甯縣地，置樂成縣。吳越改爲樂清縣。沿海產鹽，縣東雁蕩山，風景甚佳。縣城有公路車，直達永嘉，水道亦可通行。

(十四)永嘉 清爲温州府治，漢爲東甌國回浦縣，晉永嘉郡地。城瀕甌江南岸，人口約數十萬，街衢清麗寬暢，腹地生產豐富，交通便利，爲本省南部重要海口，故實業計劃擬建爲三等港，城旁甌江之島上有江心山龍翔寺，爲宋時禪林。

十利之一，宋文天祥曾於此起兵勤王。由縣城乘公路車，計程三十五公里，直達瑞安。

(十五)瑞安 在永嘉西南，濱海多產魚，漁船林立。縣東四十里，有仙岩山。東北鎮有玉海樓，藏書頗富。由縣城乘公路車，仍經永嘉，可達青田，水道亦可通行。

(十六)青田 唐景雲中分括蒼縣地，置青田縣。水道上通麗水，下達永嘉。縣南一百五十里有南田山，劉基故宅在焉。閣公方山有圖書洞，即青田石印章所出。縣南三十公里，有石門山，洞懸瀑布，明劉基讀書於此。由石門洞乘公路車，計程四十三公里，直達麗水。

(十七)麗水 清爲處州府治，漢爲回浦縣，唐晉雲郡地，爲大溪好溪台流點。附近盛產竹木，皆於此結筏下甌江，直至永嘉。產桐柏茶諸油，工業亦盛。公路經雲和龍泉可達閩之浦城。雖居萬山之中，交通尙稱便利。城外有三岩寺南明

山諸勝，桃山括蒼渡頭等處，風景尤佳。由此乘公路車，計程二十九公里，可達縉雲。

(十八)縉雲 唐武后時分括蒼永康二縣地，置縉雲縣。城居山谷中，人口不多。縣東北二十三公里有仙都山，爲風景區。由縣城乘公路車，計程三十四公里，直達永康。

(十九)永康 三國赤烏中，分烏傷縣地，置永康縣。水陸均通金華。縣東有方岩山，宋胡子正先生，曾讀書於此。今有廟在焉，香火頗盛。其餘如靈岩壽山，風景均佳。由縣城乘公路車，計程四十七公里，可達金華。

(二十)金華 清爲金華府治，漢烏傷縣。三國吳東陽郡，梁金華郡，隋婺州地，明初稱甯越府。城瀕婺江北岸，扼浙贛路中樞，有八詠樓明月樓萬佛塔等古蹟。西門外有大橋，工程頗鉅。城北有金華山，又名北山。峯巒秀絕，洞壑清奇。全縣人口凡二十餘萬，商業繁盛，出產以火腿爲最著。浙贛路有支線通蘭谿。

由金華乘火車，可直達義烏。

(廿一)義烏 漢烏傷縣，屬會稽郡。縣有佛堂鎮，水道可通金華，商業爲全縣冠。人民剛強勇敢，戚繼光禦倭之兵，多爲義烏人。縣東四里有秦孝子顏烏墓，農產有蔗糖南棗等。由此仍乘浙贛路火車，可達諸暨。

(廿二)諸暨 周允常所都，秦爲諸暨縣，屬會稽郡。人口有五十萬餘，縣西二十七里，有五洩山瀑布。城南有浣紗溪，相傳西子浣紗之川。全縣農產物，如茶葉米麥等頗豐。再乘浙贛路火車，經蕭山縣境，返杭州，此爲第二路完成。

第三路

(一)富陽 漢陽春縣，漢末烏程侯孫堅，卽此縣人，其弟孫權爲吳大帝，城瀕錢塘江，正當口流灣曲處，停泊最便。有小汽輪通杭州，所出草最有名。由此乘公路車，計程二十四公里，直達新登。

(二)新登 三國吳置新城縣，五代後梁時改爲新登。城在蠶江南岸。全縣人

口六萬餘。礦產有石灰及煤。縣東五里學山下，有五代吳越羅隱故宅遺址。由縣城乘公路車，計程二十九公里，直達桐廬。

(三)桐廬 三國吳黃武中，分富春縣桐溪地，置桐廬縣。城瀕錢塘江分水港二水合流點，桐君山隔江相對，縣以此名，形勢頗爲險要。溯江而上，卽爲七里瀧，嚴子陵先生釣台在焉。由公路前往，僅二十公里。水道可通分水。由縣城乘公路車，經楊村，計程四十五公里，直達建德。

(四)建德 清爲嚴州府治，漢爲富春縣，隋睦州地。城瀕新安江蘭江合流點之左岸，人口凡十二萬餘，城外東關鎮，舊爲船舶停留處，因水道可通淳安，遂安，壽昌等縣，所產藍紙木材茶蜜蠟等貨物，均由此輸出。由縣城乘公路車，經白沙至壽昌，計程四十六公里。

(五)壽昌 三國吳大帝分富春縣地，置新昌縣。晉太康時，改爲壽昌。縣南二十里，有大慈巖，頗饒勝景。農產多桐油柏油等。舊時水道交通，以洋溪埠爲

出人門戶。今由縣城乘公路車至蘭谿，計程三十五里。

(六)蘭谿 漢烏傷縣地，唐咸亨五年，分金華之西部三河戍，置蘭谿縣。位於婺衢兩港合流之處。縣西有蘭陰山，以其橫截大溪，因名蘭谿，人口凡二十六萬有餘。鐵路可通金華，貿易甚盛，有「小蘇杭」之稱。所產桐油火腿蜜棗米麥頗豐。縣東十餘里，有洞源勝境。縣西四十里有郭偁寺。由縣城乘公路車，計程三十七公里，直達龍游，或由水道溯江而上，亦可通行。

(七)龍游 秦爲太末縣，唐爲龍邱，五代爲龍游，宋爲盈川，旋復稱龍游，因龍邱山而得名。城瀕靈山港與衢江合流之處。人口凡十七萬餘。所產米麥桐油竹木紙張頗豐。由此乘公路車至衢縣，計程三十四公里，鐵路水道，均可通行。

(八)衢縣 清爲衢州府治，漢爲太末縣，唐信安郡地。城瀕衢江右岸，頗險固。人口凡三十萬餘。商業頗盛。城南爛柯山有石室。相傳爲晉王質登仙處。由縣城乘浙贛路火車，可直達江山。公路水道，均可通行。

(九)江山 漢太末縣地，城南八公里，有清湖鎮，爲通閩贛舍舟登陸之地。縣南仙霞嶺，扼閩邊區要隘，崇峻雄偉，夙稱天險。江郎山，三峯矗立，突帆峭壁，不可攀躋。公路可直達福建之浦城。浙贛路經過縣境。由縣城乘公路車折回經衢縣城郊之雙江口，過渡直達常山，計程八十公里。

(十)常山 漢太末縣，位於金溪右岸，爲通江西水陸交會之處，行旅往來頗多。其西出有通江西玉山公路，貿易甚盛。由縣城乘公路車至開化，計程四十五公里。

(十一)開化 舊爲開化場，太平興國中升爲縣。有金溪水，南繞城北而襟城東。礦產有銻砂金錫鐵鉛鋅銅等，惜蘊藏不多。縣南華埠鎮，水道通常山，公路通安徽之婺源。商業較縣城爲盛。由縣城乘公路車，直達遂安。

(十二)遂安 三國時分歙縣地，置新定縣。晉太康中，改曰遂安。縣西歙嶺爲省界，扼塞莫若武強山，唐末鄉民，保此破黃巢。農產有桐油柏油高粱等，武

強溪由縣至港口，與徽港會合。由縣城乘公路車，可達淳安。

(十三)淳安 三國爲始新縣，宋初爲淳化，後改曰淳安。新安江西出於歙，注於嚴境。全邑礦山頗多，產銅鐵煤鉛等，港口，威平，茶園等鎮，貿易尙佳。由縣城乘公路車，經威平繞道安徽省境之大阜，再經昱嶺關，可達昌化。

(十四)昌化 漢於潛縣地，西南有昱嶺關，爲通安徽蕪湖之孔道。所產印章石頗有名，稱昌化鷄血石。由縣城乘公路車至於潛，計程十九公里。

(十五)於潛 秦鄣郡地，漢於潛縣，縣北四十五里，有西天目山，與東天目山對峙，有公路可通，產白朮頗著名，稱曰於朮。又產桃花紙亦佳。由縣城乘公路車，直達臨安，計程三十四公里。

(十六)臨安 三國吳臨水縣，晉改曰臨安。縣治位於東苕溪南岸，太廟山有錢王墓。縣北有東天目玲瓏山諸勝。由縣城乘公路車至餘杭，計程二十九公里。

(十七) 縣北有獨松關，蓋合獨松、百丈、幽嶺、謂之獨松三關。由百丈關出獨松，可至安吉。西北出幽嶺，可通孝豐，爲通江甯之孔道，南宋關吏殺蒙古使廉希範於此，竟釀成亡國之禍，伯顏分兵三道犯臨安，其一道出此，明初亦由此道襲張士誠，故在歷史上，視爲軍事要地。由縣城乘公路車返杭州，計程二十六公里，此爲第三路完成。

第十三章 西湖之勝景

西湖在杭州以西，居錢塘江下游。初時殆爲錢塘江口之小灣，後以江中沙土沖積，年代久遠，充塞灣口，而成焦湖。在六朝以前，均無可考。唐時李泌與白居易，先後曾爲杭州刺史，設法聚蓄湖水，用爲灌溉田野，農民稱便。宋初湖漸淤塞，及蘇軾來守杭州，取葑泥積湖中，築長堤以便通行，復又雇工種菱生息，

以充浚湖經費，因得從事點綴，益增斌媚。其後南宋建都臨安，戶口與日俱增，於是湖山表裏，梵宇仙居，西湖風物，日趨繁華。

湖上名勝，屈指難數。如宋時西湖十景，元時錢塘八景，清時浙閩總督李衛，創西湖十八景，其目如下：

湖山春社，功德崇坊。海霞西爽，魚沼秋容。湖心平眺，玉帶晴虹。
寶石鳳亭，蓮池松舍。蕉石鳴琴，亭灣射騎。梅林歸鶴，玉泉觀魚。
吳山大觀，鳳嶺松濤。天竺香市，雲棲梵徑。韜光觀海，西溪探梅。

四時景色最佳者，列舉如下：

春日，孤山下看梅花，蘇隄看桃柳。夏日，蘇隄看新綠，飛來閣避暑。秋日，滿覺隴賞桂花，六和塔夜月玩潮。冬日，湖凍初晴遠泛，西溪道中玩雪。

西湖周圍凡數十里，尋幽探勝，非數日之功不可。遊者可按日列程遊覽，茲

分述如下：

第一路 新市場，湖濱公園一帶，宜於步行。

第二路 斷橋，白隄，平湖秋月，西湖博物館，中山公園，西泠印社，俞樓，西泠橋，曼殊大師墓，孤山放鶴亭，林和靖墓，博覽會橋，招賢寺，大佛寺，以上陸遊船游均可。

第三路 昭慶寺，保俶塔，葛嶺抱樸廬，初陽台，紫雲洞，金鼓洞，白沙泉，黃龍洞，以上宜於步行或乘轎。

第四路 風雨亭，蘇小墓，武松墓，秋瑾墓，鳳林寺，岳王廟，靈峯寺，玉泉清澗寺，神霄雷院，靈隱寺，飛來峯，韜光，北高峯，三天竺，中天竺，上大竺，洪春橋，雙峯插雲，以上宜於步行或乘車轎。

第五路 湖心亭，阮公墩，曲院風荷，金沙港，蘇堤六橋，郭莊，茅家埠，蕉石鳴琴，劉莊，高莊，花港觀魚，赤山埠，三潭印月，以上須船

游。

第六路

柳浪聞鶯，錢土祠，夕照寺，白雲庵，雷峯塔遺址，淨慈寺，以上宜於船游。

第七路

南屏山，接引洞，九曜山，蓮花峯，華津洞，慈雲嶺，玉皇山，四眼井，石屋洞，滿覺隴，水樂洞，留雲谷，烟霞洞，龍井，翁家山，南高峯，法相寺，以上宜於步行及乘輿。

第八路

虎跑寺，定慧泉，小天竺，珍珠泉，六和塔，九溪十八澗，理安寺，龍井，獅子峯，徐村，范村，雲棲寺，五雲山，以上宜於步行或乘輿。

第九路

彌陀寺，松木場，秦亭山，東嶽行宮，花塢，留下，西溪法華山，石人塢，以上須船行及步行。

第十路

吳山巫山十二峯，寶月山，七寶山，鐵冶嶺，雲居山，瑞石山，聖

水寺，歸雲洞，紫陽洞，丁仙洞，以上宜於步行或乘輿。

第十四章 浙江秋潮之壯觀

浙江潮乃天下之奇觀，而以海甯東塘觀潮爲最勝，故觀者悉往海甯。當潮來時，猶挾泰山以超北海，及至杭州，已似強弩之末，魯縞難穿，不及海甯之雄偉壯觀。浙江潮最盛時期，在陰曆八月十八日，是日，各方遊客紛至沓來，於是人山人海，盛極一時。

浙江潮，因何而得如此壯觀？據舊時紀載，均以爲受赭龜二山之激挫所致，今各種圖籍多沿用此說。實乃滄海桑田，究其成因實有大不然者，須知赭龜二山，乃分列於江之左右兩方，龜山在蕭山縣之東北，赭山在海寧縣之西南，二山之間，尙有文堂，河莊，葛嶼，岩門等小山，使錢塘江之水分爲三道，而成南北中三疊，總稱曰鼈子疊。後以江流受潮激動之影響，遂愈趨愈北，於是龜赭諸山之

間，日漸淤塞，而成平原土壤。今諸山位置，悉在蕭山縣境之內。江流入海，均經過北大壘，且江潮來時，不到鼈子壘，已發雷鳴之聲，因錢塘江口受猛烈之水底衝激，外部越大，內部亦越促。潮自東海侵來，進口後愈內愈窄，同時後來諸潮被束，其勢即洶湧澎湃，而至海鹽之澉浦，再擁至海甯縣東境，驟然又被石塘、古錐、大小尖山所阻，不得不迴旋而南，但又被來潮所逼，於是迫而上騰，由此幾經盤旋，乃橫江西去，結成如雪練之耀目，怒發如雷之巨響，奔馳如閃電之快疾，此時之江潮奔騰澎湃，實爲雄偉壯觀。故觀潮地點，杭州不及海寧，以潮來之發聲，不在鼈子壘，而在尖山口。

海甯觀潮地點，以小普陀爲最勝，大東門次之，南門又次之。小普陀係一寺院，西距大東門約一里，因寺前地形較高，在此東西張望，潮來潮往，盡在眼中。且潮擊盤頭，即浪花紛起，向上騰湧，尤使人驚心動魄，奇訝不止。大東門外有觀潮亭，亦可觀潮之倏忽變幻，惟每年春秋二季，常多大潮，屢次侵入塘面，

觀潮者稍不留意，即被浪花捲去，不可不爲戒備，其方法有三，分述如下：

一、大約在二潮來時，潮水常湧上塘面，觀潮者，待頭潮過去以後，江湖湧近岸時，即須預備退避。

二、東塘內築有長堤，堤之兩旁，盡爲楊柳。萬一潮水湧到，不及退避，可緊抱柳樹，俾免被潮捲去。

三、萬一抱樹不及，即速橫臥地面，亦可免去危險。因江湖上塘時，其來勢極盛，但不久即退去，直立地上，易被衝倒。

第十五章 浙江之五大名山

天台山 天台山，在天台縣境，出北門凡十餘里，即抵國清寺，一路竹樹清幽，梵境深窈。寺前有寶塔凡七座，高丈餘，有小溪會山澗之流水，激石成聲如雷響，越小橋而上抵金地嶺，有真覺寺，係智者大師蛻骨之所。寺內藏有大師之

紫金盞，口雖稍缺，但五色斑斕，銅質頗爲蒼古。又有貝葉經，及繡龍袈裟。貝葉經祇存二十葉，每葉橫行，均爲西域文字。袈裟四圍繡龍，金碧燦然，製作極古。相傳爲隋煬帝所賜。由此上行，山勢更爲險峻，回頭俯看雲海，令人且喜且悸。越二深池旁，見松杉森立之中，深藏古寺，卽爲華頂峯。從山寺再上拜經台，爲最高之頂，終年雨多晴少，遇天晴可觀日出，遠如錢江四明，雖千里外，猶在眼底。有龍爪井，其水雖淺，但終年不涸。舊時太白堂，今則僅一荒菴而已。惟寺中王右軍之墨池猶在，廣不盈丈，水作黑色，有謂黑池當在太白讀書堂之側，寺內墨池，或係後人附會，由華頂取道至方廣寺，沿途林木清幽，羣峯環抱，梵宇深藏，寺內有阮文達錢宮詹輩之墨蹟。出寺四不半里，曇華亭前，卽爲石梁觀瀑。由此再到萬年寺，有親到堂，藏經閣等。桃源亦爲天台名勝之一，山徑險絕，頂上有巖，深澗尤多危石，相傳當年劉阮曾於此遇仙，此外尙有螺溪釣艇，銅壺滴漏，高明寺，桐柏宮諸勝。

天目山 天目山有東西二峯，相距二十餘里，頂上各有一池，故名天目。東天目，屬臨安縣境。西天目，屬於潛縣境。東天目以雲海飛瀑取勝，而西天目以高大森林取勝。東天目有昭明寺，寺前有亭，曰雲海奇觀。在此遇天晴時，可觀雲海。流水從山頂而下，至小仙峯，分爲二路：左出聚匯而爲上下龍池，白龍池，玉劍泉，再渡飛橋。右出爲瀑布，經垂虹橋，至臨流亭下，兩流會合，而爲蛟龍池。寺之四週，陡峭直立，磴磴盤空，故有八景七絕之稱。西天目有禪源寺。古木參天，世所稀有。寺後石壁奇峭，流泉激湍。過西方菴後，有石曰眠牛，相對者曰半面雲。由此再尋石磴而下，即獅子岩。東行百餘步，望之如石筍者，曰玉柱峯，峯上多松，頗爲蒼勁。稍北爲中峯塔院，南爲馬鬣雲，其石如筍，離立絕壑，因言其象形也。由此往西方菴，四面均爲奇峯峭壁，魚絕人境。菴後有一峯卓起，題曰險絕。菴後有一峯，凌空俯瞰，曰懸崖撒手。再上二三里，即達絕頂。頂上多爲雲霧所籠罩，石筍如林，或臥或立，有作駕橋勢，曰仙人橋。再距

百餘步，有一泉，池水清澈，終年不涸，誠奇境也。

天童山 天童山，距鄞縣凡三十里。山下有大湖，名曰東湖，周圍八十里，總匯七十二溪之水，足以灌溉鄞縣七鄉之農田。以其水利之大，故舊名曰萬金湖。南宋以後，史丞相卜瑩於湖上，其勝景足與西湖媲美，因又名曰東湖。山上有阿育王天童寺，往遊者出鄞縣城東一里，可雇湖艇，行五六里，過霞嶼寺，抵補陀洞天。洞上有亭，頗宜遠眺，南望韓嶺，北望二靈，東望上水，西望陶公，四面峯巒迴合，風景天然。再上三四里，即達阿育王山之阿育王寺。中有蘇軾所撰碑記。出寺東行，經曲徑，登鄞峯，南可俯視東湖，東北可望大海。但見風烟浩渺，洵爲天下奇觀。峯半有東塔院，有塔高凡百餘尺。院外百餘步，有佛跡崖，崖上有深約寸許之巨人足跡，殆爲後人所造。下有金沙井，據云中有靈鱧，遇天旱禱之，輒雨。再循白雲山而南，過小白嶺東行至天童山寺。相傳晉僧義興嘗住此山，戒律甚嚴，忽有一童子常來供給薪水，不幾時，忽又辭去，自云：「乃太

白晨星」，旋不見，因有天童之稱。寺中路徑如斗形，有二深池，橋貫其上，有東蒙堂，西蒙堂，說經所等。寺西北有鉢盂峯，下有虎跑泉，東行一里至中峯，曰小天童。西爲玲瓏崖，因湖山佳勝，故遊人甚多。

雁蕩山 雁山有南北之分，南雁蕩，在平陽縣境之西南。北雁蕩，在樂清縣境之東北。以言風景之奇秀，則南不及北。北雁蕩山，距樂清城約百里，有公路直達。諸峯峭拔險怪，上聳千尺，皆包諸谷中，頂上有湖，水常不涸，春雁歸時，多宿於此，因而得名。據云當祥符時，因造玉清宮，上山代木，始見此湖。又按西域書中，有「雁蕩經行雲漠漠，龍湫寒坐雨濛濛」之句。謝靈運守永嘉時，凡佳山水，均遊歷殆遍，惟未言及此山，可知當日雁蕩之名，尙未遠播也。山頂之湖水，幾經曲折，流入溪澗，至谷口而成大龍湫瀑布，其勢似自天上飛來，凌空浩蕩，聲若雷鳴，相對談話，爲之不辯。其前一帆峯，拔地而起，卓立千仞。至於靈岩與靈峯，尤稱奇秀。靈岩寺前，有天柱峯，卓筆峯，小龍湫，岩上有平

第十三章 浙江之五大名山

霞障，龍鼻水諸勝。由寺前遠望諸峯，有似金龜，或形玉兔。老僧拜石，玉女簪花，危怪奇麗，均屬天成。靈峯寺前有觀音洞，其中建樓凡四五層，大有此地非人間之概。其前後如犀牛望月，五馬歸槽，均維妙誰肖，豈人工所能及。此外如散水岩，顯勝門，西石梁，仙人洞諸勝，均各俱奇妙。故云「不遊雁蕩是虛生」，誠言之不謬也。

普陀山 普陀山，距定海縣計八十里，爲中國佛教四大名山之一，梵書補陀羅迦山有三，一在厄納忒黑，一在忒白忒，一在南海，卽今之普陀山。梁貞明中始立佛寺，全山縱橫各十里，其名著稱已久。遊者可從鄞縣乘輪前往，抵岸有同登彼岸坊，經妙莊嚴路，到山半有巨石壁立，題曰白華頂。沿途風景絕佳，象王峯下，有長生禪院，禪房花木，幽雅絕塵，院後之寺，爲雍正年重建，中有玉佛寺，珠佛，銅佛。出寺到海會橋，蓮花池，據云花開疊蕊千瓣，五色爭豔，寺僧據以下其休咎。在此憑欄遠眺，悠悠然如登極樂世界。白華頂，俗稱佛頂，山高凡

五里，壁立千仞，山半有雲扶石，經三摩地，達慧濟寺。再上約里許，卽爲白華頂，頂圓而平，廣二十餘畝，上建燈塔，爲海船指示迷津，有亭可眺望，遠處島嶼，形同土阜。東南有小洛迦山，西北有翁洲諸山，南有月舉山，東北有霍山。山之四境，東盡青鼓磊，南盡道頭楊梅跳，西盡風洞嘴，北盡伏龍山。全山多洞，有獅子洞，善財洞，洛迦洞，梵音洞等，均頗著名。尤以梵音洞爲最奇。洞在山之正東盡頭處，高數十丈，洞口峭壁危峻，有兩崖陡劈如門，洞中廣約百餘丈，海潮進洞，相激成聲，猶雷霆之怒吼。洞之盡頭處，相傳爲大士得道之所。觀音洞，前臨大海，在金沙之盡頭處，洞巔有穴孔，稱天窗，題曰現身處，相傳朝山仕女，向洞叩拜，常見大士現身不一，各隨其誠心所感而不同，甚至有投身碎骨，以求往生淨土者。過天福禪院，到太子塔，塔高凡九丈六尺，爲元時所建。再東卽仙人井，一稱梅岑仙井，泉水瀟瀟流出，味極甘冽。又從鶴鳴寺，大乘菴，悅嶺菴，到比邱石，西境有盤陀石，兩石連疊，狀如重臺，下廣百丈。旁有靈

石菴，後有觀音說法台，有二龜聽法石亦甚相似。山中土產頗多，倘能振興開發，亦爲生產之道也。

第十六章 著名之勝蹟

餘杭

大滌洞 在縣西南十八里，與臨安分界處。天柱宮南山有五洞，其一投龍，此洞是也。道書第三十四洞天，名曰大滌元蓋之天。咸淳志云：『此山清幽，大可以洗滌塵心』，故名。洞旁崖岩潤蒼，曲折僅容一人。名山記云：『山水之勝，莫如天目，天目之勝，莫如大滌洞天』。

洞霄宮 在大滌山，漢武元封間建宮壇，晉郭璞君結茅居之，唐爲「天柱觀」，宋高宗於此建「洞霄宮」，今遺址尙在。

富陽

富春江 自桐廬，經富陽，入錢塘。昔桑欽水經，謂「浙江之源，西自嚴灘，東通海道」。

觀山 一名石頭山，山有觀湖所，距縣東百餘步，有一峯聳橫大江。三國孫氏嘗於山頂建道觀，因名。明洪武時置關於此，今稱鶴山。古木掩映，風景極佳，爲邑人遊眺之所。

嘉興

鴛鴦湖 在火車站邊，一名南湖。「湖中多鴛鴦」，故名。或云：「兩湖相接如鴛鴦然」。有烟雨樓，釣鯊磯，魚樂園等，爲一郡之勝。

烟雨樓 在鴛鴦湖中，舟渡可達。

范蠡宅 在火車站西南二里金明寺，有陶朱公故里碑。

朱買臣墓 在火車站東六里東塔講寺，乃朱買臣故宅，後有一邱，相傳爲買臣墓。

吳興

太湖 在吳興長興之間，其大三萬六千頃，東西二百餘里，南北百二十里，周五百里。西北極於宣常，東北極於蘇湖。大雷小雷二山，皆浮於湖之東方，屬當郡境。蓋浙西茗霅與臨安廣德諸水，散出凡七十二溪，奔海不及，則停蓄於湖，道三江以入海。禹貢謂之「震澤」，周禮謂之「具區」，左傳謂之「笠澤」，其實一也。

武康

莫干山 在縣北二十七里，上有鑄劍池，水常清澈，旁有磨劍石。世傳「春秋時，有吳人名干將者，吳王闔閭使作劍，三月未成，其妻莫邪恥之，乃斷髮剪爪竄入爐中，而成名劍，因名劍陽曰干將，劍陰曰莫邪」。茲山卽鑄劍之地，故以「莫干」名之。風景幽秀，爲避暑勝地，夏季中外人士住此者極多。

計籌山 在縣東南三十五里，越大夫計然於此籌國計。其中有巖，幽窅而夷曠，曰白石洞天，宋姜夔隱此，因號白石道人。

奉化

雪竇山 在縣西六十里，爲四明山之別阜。上有雪竇寺，西五里有奉慈寺。山多奇勝，有妙高台、藤籠、含珠林、錦鏡池、石竇、千丈岩、瀑布泉、桃花坑、龍隱潭。宋理宗嘗夢其處，御書「應夢名山」賜之，故有御書亭。

紹興

鏡湖 在城外三里，一名鑑湖。任昉述異記：「軒轅氏鑄鏡湖邊。或云：『黃帝獲寶鏡於此』。又云，本王羲之語：『山陰道上行，如在鏡中游』。又名長湖，又名太湖，又名慶湖。總納縣境三十六源之水。其初本通潮汐，漢永和時太守馬臻始環湖築塘瀦水，溉田三千餘頃。唐開元中賀知章以宅

爲千秋觀，求周官湖數頃爲放生池，詔賜鏡湖剡川一曲，因亦名賀監湖。
宋熙甯後湖漸廢爲田。

臥龍山 在縣治後，越大夫文種葬此，故又名種山，一作重山，今縣治據其東麓，清聖祖南巡駐蹕於此，改名興隆山。

會稽山 稽山門外絕頂之香爐峯，傳王陽明先生曾讀書於此。

蘭亭 在縣西南二十七里，輿地志云：『山陰郭西有蘭渚，渚有蘭亭』。爲晉王羲之修禊處，有王羲之祠及鵝池。

禹陵 在縣城外十三里。宋乾德中立禹王廟於會稽，置守陵五戶。明洪武中禁人樵採，置陵戶二人，每歲以春秋二仲月遣官致祭。

東湖 在東南門外，湖水較鑑湖寬闊，有亭橋樓榭，足資流覽。本爲烏門山石塘，清光緒間，邑人陶濬宣建書院於此。

戴山 在城外，越王勾踐曾臥薪嘗膽於此。有越王崢，爲勾踐以甲盾五千拒吳之

處。

快閣 在城外，傳爲陸放翁吟詩醉酒之處。

柯岩 在柯橋附近，奇石轟天，峭壁連雲，突兀雄險，不可躋攀。有寺曰普照，殿宇層疊，隨勢上下，惜年久斑駁，無復當年莊嚴命奘之觀。寺旁有雲骨峯，勢巖巖而姿亭亭，巔若戴笠，足若立雉。岩右爲七星菴，菴後覆崖爲池，方廣數丈，簷前崖流滴瀝如雨，爲避暑勝地。

諸暨

五洩山 在縣西二十七里，山麓有五洩寺，唐元和三年建，左壁有徐渭題「七十二峯深處」六字。寺右里許有東龍潭，瀑聲如雷，高懸百丈，此瀑自上而下計五折，土人呼瀑布曰洩，故有五洩之稱。在五洩中，以第四洩爲最奇觀。山腰有劉龍坪，廣數十畝，溪泉由北復折而回，從坪下經過，注深潭名龍井，山色溪光，幽靜可愛。五洩寺左轉有西龍潭，山峯奇削

第十六章 著名之勝蹟

五五

浙江史地概要

五六

，尤覺幽深。

浣紗溪 在縣南一里，又曰浣江，亦稱浣渚，俗傳爲西子浣紗之川。今溪旁石上，尙刻有「浣紗」二字。

苧蘿村 在縣城南，相傳春秋越苧蘿村西嚳薪之女，名西施，有殊色，越王勾踐敗於會稽，范蠡取西施獻於吳王夫差，吳亡，西施復歸，母卒，投江殉母，進忠退孝，鄉人德之，立祠苧蘿山東麓。按後漢郡國志引越絕書云：『蕭山，西施之所出，』今蕭山亦有苧蘿山西施里。

九江山 距火車站二十三里，山有石室，甚幽邃，四壁有石刻女像，曰靈女台，下有仙姑廟，今稱聖姑殿。

新昌

寶相寺 在縣西南五里，南明山之陽，齊永明中僧護鑿石造彌勒像建寺，號石城，梁天監十二年，像始成。寺外有一大放生池，山半有洞二，一祀朱子

，相傳爲晦菴先生讀書處也。再入則四山忽合，依山構傑樓五層，進內復爲一洞，就山刻佛，佛高八九丈。山頂有棋盤石聳立，登其上可俯瞰全城。

金華

北山三洞

在縣北三十里，山周五百里，道家所稱三十六洞金華洞元之天，其洞有三：巍然在上，去天若尺五者，曰「朝真」；冽然在中，有泉若擊鼓磬之聲者，曰「冰壺」；豁然在下，有石若白龍之升降者，曰「雙龍」。又亦松山志云：「上洞有石真人，儼然臨跨，莫測端倪；中洞有水簾直下，寒玉橫飛，其間有石像石笏等；下洞有石龍虎獅象麟鳳鐘鼓之類，難以枚數。下洞門極低，非舟不可入，非燭不可見，此洞天原係赤松所轄。」

八詠樓

在府學西，舊名元暢，太守沈約建，有「八詠詩」，宋至道間，知州馮

第十六章 著名之勝蹟

伉，易名「八詠」。

講堂洞 在雙龍洞西北三里，爲劉峻讀書處，有石室廣十餘丈，軒高而爽，有懸巖石滴水，大旱不竭。

煉丹山 在縣北十八里，高數千尋，一望數百里，近在目睫，蓋二皇君煉丹之所。

蘭谿

洞源 距縣約九公里，上有棲真寺，寺前山下，有湧雪洞，泉出激石成沫，狀如湧雪；寺後有呵呵洞，西有白雲洞，洞口斜覆一石，洞頂爲白色鍾乳所結成，間嵌化石，上有無底洞，深不見底。

橫山 在縣西南，由西門江邊渡江卽抵，山頂有橫山塔故址，東麓有靈源廟，半山爲蘭陰寺，寺前石壁刻有「蘭陰深處」四字，舊志稱「其山多蘭」云。

永康

方岩 在縣東約四十里，高數十丈，周約七里，其峯峭壁拔地，環若堵牆，壁掛

飛瀑，如遊龍吐沫，霏霏而下，隨風飄蕩，蹤跡不定。岩後約里半曰壽山坑，有鷄鳴、覆釜、樺花、瀑布、厚岡等五峯，皆平地拔起，周圍如城郭，有大石洞，高敞軒豁，可容多人，繚以知坑，置以疏櫺，舊時爲佛刹，曰壽山寺，亦卽五峯書院之古址，中祀朱子，相傳爲朱子讀書處也。寺前爲重樓，樓上爲平臺，周以欄楯，皆卽洞支木爲之，不施椽瓦，而雨雪霜露自然莫以，最爲一方登覽之勝。左爲宋胡公家祠，高居山半，亦窟室也。○上有朱子壁窠書「兜率臺」三字，尙隱約可辨。岩頂爲胡公廟，胡公名則，少時讀書山中，開禧朝，仕至侍郎，嘗奏免丁錢，後人德之，立廟祀焉。香火甚盛，每年香客頗多。岩下一帶，卽稱岩下街，村居半程姓，爲過客具館餐者，不下數十家。

靈岩

在縣東南四十里，高數十丈，周五里，有洞廣五丈，深二十丈，形勢靈異，故曰靈岩，洞中有佛殿，殿後別有洞天。有碑記吳康父事，康父生清嘉

道朝，金石學甚濬深，與張叔末友善，晚年嗜佛，削髮於此，碑記甚詳。

衢縣

爛柯山 距縣南門外十八公里，一稱柯山，卽道書青霞第八洞天，亦名景華洞天。述異記：『晉王質入山採樵，見二童子對奕，質置斧坐觀，童子與質一物如棗核，食之不饑，局終，童子指示曰，汝柯爛矣，質歸鄉里，已及百歲，無復舊時人』。水經注：『信安縣有縣室坂，晉中朝時，有王質伐木，聽童子彈琴，俄頃斧柯爛盡』。信安，卽今衢縣。自縣南門，過仙壽亭，至石橋寺，卽抵山麓。上山石級約里許，有天生石樑，中空如橋孔，高二十餘丈，寬三十餘丈，南北深約三五丈，絕似在山際鑿成之石橋，洵爲奇觀，故又稱石橋山。石橋下南洞口壁上，有明郡守楊子臣所書「天生石樑」字蹟。

江山

江郎山 距站五十華里，高六百尋，亦簡稱江山，一名金純山，又名須郎山。山有三峯，悉數百尺，色丹奪目，日照炫耀。相傳昔有江氏兄弟三人，登山巔化爲石，因而得名，復以名縣，山有池，產碧蓮金鯽。山半有岩，危石空懸，中可結廬。下有虎跑泉，清甘不涸。

仙霞嶺

距浙贛路站六十公里，高三百六十級，凡二十八曲，長十二公里。唐末黃巢破饒信歙等州，轉掠浙東，因刊山開道七百餘里，直走建州，卽此嶺也，清兵自浙入閩擒唐王，亦由此道，今其地仍爲四達之通衢，兩浙之重險，浙江福建二省間之界山，皆此嶺之脈也。仙霞南北，有名之嶺凡五：一曰馬頭，一曰茶嶺，一曰大竿嶺，一曰小竿嶺，一曰黎嶺，與仙霞爲六大嶺。盤行峻拔，岡麓相接，六嶺之旁，大山深谷，接軸連峯，不可勝紀。仙霞嶺上有仙霞關，爲浙閩要衝，舊有巡司戍守，初曰東山巡司，置於嶺下，明成化中移置嶺上。

桐廬

七里瀧 在富春江上游，與嚴陵瀨相接，兩山夾峙，水駛如箭。諺云：『有風七里，無風七十里』，言舟行艱於牽挽，惟視風以爲遲速。

釣臺 距桐廬二十公里富春山上，下瞰富春渚，有東西二臺，各高數十丈，東臺爲漢嚴子陵垂釣處，其西臺卽不謝翊哭文天祥處云。

麗水

南明山 在縣大水門外，渡江抵山麓約二華里。靜幽宜人，山徑盤曲，迤邐上升，到處水聲淙淙，高者爲瀑，低者爲泉，積水成窪，大者稱池，小者稱潭。其上有印月池，石梁，仁壽寺，高陽洞等古蹟。自池上仰瞻石梁，盤曲如蒼龍，偃臥兩崖間，曳尾垂鱗，彷彿從池中躍而出者。其前老樹一株，柯幹如鐵，俗稱將_山樹，亦曰括蒼樹，土人云：全浙無二也。石梁多刻字，自宋至清，不下百餘處，有「青天白日」四大字，明嘉靖辛

卯白泉汪文盛所書。仁壽寺在石梁上，有石峽如門，寺宇宏麗，有葛仙翁丹井。高陽洞可容數百人，上有亭曰雲閣，據最高峯，憑檻眺望，溝塍刻縷，閭閻櫛比，數十里內，歷歷可數。

三岩寺

在縣麗陽門外，約三華里，一名廣福寺，寺依三岩，清康熙間重修。三岩特起平地，嶙峋岬嶸，如石疊成。中爲白雲洞，高廣可設筵席，其上飛瀑傾瀉，卽珠瀑也。注流成池，巨石臥其中，水花飛濺，顏曰雨崖，李北海手書上石，後刻宋劉涇詩。左爲清虛洞，右爲晨曦洞，尙有蝙蝠洞，石華岩，丹泉，珠崖諸勝，羅列前後，匯爲巨觀。

青田

石門洞

在縣南七十五里，兩峯壁立，高數十丈，對峙如門，因名。有瀑布直瀉至天壁，凡三百尺，自天壁飛灑至下潭，凡四百尺。宋永嘉太守謝靈運躡屐來游，始開此洞。

第十六章 著名之勝蹟

縉雲

仙都山 在縣東二十三里，古名縉雲山，隋書地理志：「括蒼有縉雲山」，卽此。相傳唐天寶七年有彩雲仙樂之異，勅改今名。按道書洞天三十六所，仙都第二十九，名元都祁先洞天。周三百里，奇峯凡百有六，而鼎湖一峯，卓立青空，尤爲仙都名冠，世傳黃帝自鼎湖騎龍飛升。山巔有石屋，世更傳爲洞天之門云。史記載：縉雲，本皇帝夏宮之名。

鼎湖峯 卽獨峯山，一名仙都石。謝靈運名山記云：「縉雲山旁有孤石，屹然干雲，高二百丈」。草木蓊蔥，蔚然秀潤，故又名玉桂，亦曰丹峯。頂有湖，常生蓮花。下爲童子峯，依戀如母子，俗稱大小石笏，蓋以其形而名也。

括蒼山

一名蒼嶺，一作真隱山，又作天鼻山，宋元嘉中嘗遣名畫寫狀於團扇，本作括蒼山。圖經十大洞天，此爲第十，道名成德隱真洞天，其脈來自

楓嶺山，自麗水縣之東南，東迤於青田縣之北，縉雲縣之東南，仙居縣之南，至臨海縣之西南，又東迤爲黃巖溫嶺，縣互三百餘里，皆因山而爲縣。隋書地理志：括蒼縣有括蒼山，唐書地理志：麗水縣有括蒼山，皆卽此。在仙居縣東南者，其主峯也。

第十七章 浙江之文獻

浙省僻處東海之濱，距昔稱人文薈萃之中原區域甚遠。當三代之際，草昧未闢，固無論矣。周季吳越迭興，突奧始啓，秦漢而降，漸躋文明，而括蒼一帶，今且猶有土著畚蠻之蹤跡。此殆由地域之關係，使浙省之開發較遲，而省境之拓殖，復有先後之差也。至於史事之推衍，最有造於浙江之開發者，厥爲晉宋二朝之南遷，而其間唐末五代吳越錢氏之保境生養，亦殊有力。溯吾國文化起自西北，由西北而伸展黃河流域，長江流域，珠江流域，然聲教雖及於南，而吳越之文

物，終限於方隅，不能與中原爭盛，魏晉而後，胡族猖獗，貊化寢寢及於河嶽，遂使青齊禮樂之邦，河洛衣冠之地，胥沉於羯風，歷久而不能復。迨晉室東遷，中原文物，隨僑郡而南，南北風會，乃大殊於昔。唐末十國各據一隅，天下擾擾，地鮮淨土，錢氏保越，偏疆自完，四方名族，相率來歸，之江流域，文明益煥。迄宋高宗南渡都臨安，搢紳之輩，舉族相從，浙江一隅，遂爲當時文物之樞會，此尤有系於兩浙之開化。自昉至明，北方歷受遼金蒙古之蹂躪，地力日敝，人文亦日替，於是中國文化之重心，遂萃於江浙，而按之往史，則鎮江以東，在明以前亦屬浙西，浙江在全國人文上之重要，概可知矣。至其文獻就清修四庫全書而言，據浙江圖書館統計，四庫著錄浙江先哲遺書，凡七九六種，一六〇三七卷，又不分卷者九種，附存目者一五〇五種，二九〇六一卷，又不分卷者一一三種，綜計著錄種數占全書四之一而弱，（案四庫全書著錄書三四五七種七九〇七〇卷存目六七六六種九三五五六卷）卷數占五之一而強，存目種數亦居全書存

目總數百之廿二，卷數占百之十七，而核以沈初等所編浙江采訪遺書總目，則四庫所收猶不逮當時所進遺書之半，（遺書總目所載書共四五二三種五六九五五卷）如以著錄種數而論，且僅及所進書五之一，從可見乾隆以前吾浙鄉先賢在學術史上所成就者爲如何矣。據近人研究中國歷史，人物於地理之分布，知南宋與明兩代之著名人物，皆首推浙江，其在清代，則以各種傳記典籍爲據，浙江之人物大抵次於江蘇而列爲第二。（據丁文江梁啓超朱君毅諸人之說朱氏據清耆獻類徵以作統計浙江次於江蘇湖南而列於第三）最近十年以來，以時勢之推移，吾浙之政治經濟學術各方面之人才，據時人之統計，且有超越江蘇而冠各省之勢。（據褚紹唐當代我國名人之地理的分布）有清二百餘年之間，浙江學風，尤稱蔚盛，國故之研討，著述既哀然可觀，新學之倡導，亦常開風氣之先，而地方文獻之整理，尤復爲上下所措意，如方志之修輯，郡邑叢書之結集，鄉賢遺著之刊行，莫不斑斑可考。晚清以來，雖遭時多故，風習漸替，而浙人於闡揚地方文獻之舉，

猶多盡瘁以起，民國二十一年五月，浙江民政廳通令各縣市政府各設文獻委員會，以徵存境內之方志圖書古物照片等記載，要事籍爲異日修志之甄采，於是各縣多遵令設置文獻會，雖其間或有以經費之枯竭，實不副名者，而風聲所播，後進之士亦益有所歡感，近年以來，各縣興修縣志者，既時有所聞，而如鄞縣天一閣之重修，紹興禹王廟之改建，乃至四明叢書與敬鄉樓叢書之輯刊，要然爲近今政府與地方人士共同努力於文獻整理犖犖可舉之偉績也。

第十八章 浙江先烈與民族英雄

江浙文化，明清之際已臻繁盛。黃梨洲顧亭林諸先輩著論立說，大闡忠君愛國之義，聲義所播，貪廉儒立。當明亡之頃，舉國上下，激於義而死者，史不勝書，蓋國族淪亡，士大夫甯以義死，不苟幸生，較諸易姓之變，其義固有重大者矣。且考諸歷朝同姓之爭，亦多有深明大義之士，如靖難之役，周是修與楊士奇

約同死義，既而金川失守，是修留書別友人，付以後事，具衣冠，爲贊繫衣帶間，自經於尊經閣。後士奇爲作傳，語是修之子曰：當時我亦死，誰爲爾父作傳？此固載諸史帙而彰彰可考者。夫是修之死爲國將不國，以身殉國，忠於國，士奇之不死，恐是修殉國之名不傳，特爲傳之而後死，忠於友，余均無間言。惟忠於友，其忠也小，忠於國，其忠也大。今者兩京太守，國祚垂危，余有厚望於同胞，效是修之殉國，而無望於同胞繼士奇之作傳。茲略舉浙中先烈與民族英雄，以爲浙人國難時之模範。

宗澤 字汝霖，宋義烏人，元祐進士，有文武才，初任州郡，所至有政績。二帝北狩，以副元帥從磁州入援，屢戰皆捷。徒知開封府，進東京留守。北方憚公威望，呼爲宗爺爺，不敢復犯東京。公前後請帝還京二十餘疏，俱爲姦人所抑，憂憤成疾，大呼過河者三而卒。諡忠簡，有宗忠簡集。

張國維 字九一，號玉笥，明東陽人，天啓進士。崇禎間累擢右僉都御史，巡撫

應天安慶等十府。爲人寬惠，得士大夫心。魯王監國，進少傅，兵部尙書，武英殿大學士，督師江上，尋還守東陽，以勢不可支，赴水死，有吳中水利書。

錢肅樂 字虞孫，一字希聲，明鄞人，崇禎進士，知太倉州，有政績，進刑部員外郎，以憂歸。清兵下杭州，屬郡多迎降，公建議起兵，士民應者數萬人，遣張蒼水奉表請魯王監國。會王赴紹興行監國事，召公爲右僉都御史。厄於方國安王之仁，棄軍披緇於閩。江上破，鄭彩奉王至鷺門，晉公大學士，彩專柄，公憤絕食，卒於舟。諡忠介，學者稱止亭先生。有正氣堂集，越中集，南征集。

張煌言 字元著，號蒼水，明鄞人，崇禎舉人。明末，南京之敗，公與同郡錢肅樂等倡義奉魯王監國。以僉都御史監張名振軍，屢抗清師。舟山破，魯王入閩，依鄭成功，公勸成功取南京，自崇明入江，所向克捷。公先移帥上游，已下皖廿餘城。成功兵驕憤爭，自鎮江敗退，恢復中原遂成絕望。魯王卒，公解兵

歸隱，旋爲清軍所獲，不屈死。遺著有奇零草，水槎集，北征錄，採薇吟，百世下誦之，猶虎虎有生氣。

徐錫麟 字白蓀，紹興人，立志排滿，爲光復會首領。設學校，聚豪傑，藉手捐納道員，謀大舉。民國前五年（清光緒三十三年）五月二十六日，槍殺皖撫恩銘於安慶警察學堂，卽率學生舉義，據軍械局，卒以寡不敵衆，被擒遇害，時年三十五。

秋瑾 字璿卿，紹興人。嫻辭令，工詩文詞，性任俠，適王氏。嗣赴日就學，入同盟會，更字競雄。主浙江盟，感召極衆。回國後，設女報館，興學校。在浙組光復軍，謀與徐錫麟響應。徐事敗，以胡道南告密，於民國紀元前五年六月七日被逮，翌晨遇害於紹興府城之軒亭口，時年三十三。

陳其美 字英士，吳興人。爲人勇敢堅毅。遊學日本時加入同盟會，辛亥革命事起，以偏師據上海，策應全國。二次革命後，翼贊總理組織中華革命黨，卓著

勳勞。袁氏稱帝，先生謀有以懲之，袁大懼，遂出資購兇，於民國五年五月十八日刺殺先生於上海薩坡賽路寓中，時年四十。

第十九章 近代浙江學術大師

章實齋（學誠）論近代浙東學術，有云：「……梨洲黃氏，出戴山劉氏之門，而開萬氏兄弟經史之學，以至全氏祖望輩尙存其意。……世推顧亭林氏爲開國儒宗，然自是浙西之學。不知同時有梨洲出於浙東，雖與顧氏並峙，而上宗王劉下開二萬，較之顧氏，源遠而流長矣。顧氏宗朱，而黃氏宗陸。蓋非講學專家各持門戶之見者，故互相推版而不相詆。……浙東貴專家，浙西尙博雅，各固其習而習也。」又云：「浙東之學，言性命者必究於史，此其所以卓也。」又云：「朱陸異同所以紛紜，則惟騰空言而不切於人事耳。知史學之本於春秋，知春秋之將以經世，則知性命無可空言，而講學者必有事事，不特無門戶可持，亦且無以持

門戶矣，浙東之學，雖源流不異，而所遇不同。故其見於史者，陽明得之而爲事功，戡山得之而爲節義，梨洲得之爲隱逸，萬氏兄弟得之爲經術史裁。授受雖出於一，而面目迥殊，以其各有事事故也。彼不事所事，而但空言德性，空言學問，則黃茅白葦，極目雷同，不得不殊門戶以爲自見地耳，故惟陋儒則爭門戶也。『梁任公云：『從地理關係上推論學風，實學術史上極有趣味之一問題。實齋浙東人，或不免有自譽之嫌，然而這段話我認爲大端不錯。最少也可說清代史學界偉大人物，屬於浙東產者最多。』茲即從王陽明以迄黃元同諸學術大師，列舉其姓名，並各綴小傳於後：

王守仁 字伯安，明餘姚人，弘治進士。正德初，以事忤權宦劉瑾，謫龍場驛丞。瑾敗，復起。累擢右僉都御史，巡撫南贛，平大帽山諸賊，定宸濠之亂。世宗時，封新建伯，總督兩廣，破斷藤峽賊。明世文臣用兵，無出其右。卒諡文成。其學以良知良能爲主，世稱姚江學派，流澤甚廣，日本亦被其化。有海軍

元帥東薊大將者，至鐫「一生低首惟陽明」印自佩云。嘗築室陽明洞中，故學者稱陽明先生。遺著有王文成全書。

劉宗周 字起東，號念臺，明山陰人。萬曆進士，天啓初爲禮部主事，歷右通政。劾魏忠賢、客氏，削籍歸。崇禎初起順天府尹，時帝方綜核刑名，公以仁義之說進，又請詔詔獄，免新餉，帝不省，謝病歸。再召授工部侍郎，累擢左都御史，復以論救姜採熊開化，革職歸。福王監國，起原官，痛陳時政，劾馬士英、劉孔昭、劉澤清、高傑，又爭阮大鍼必不可用，皆不納，乞骸骨歸，杭州失守，絕食二十三日卒。門人私謚正義，清賜謚忠介。公之學以誠意爲主，慎獨爲功，清修篤行，不愧衾影，學者稱念臺先生，又嘗築證人書院，講學蕪山，又稱黻山先生。所著周易古文鈔、聖學宗要、學言、人譜、人譜類記、論語學案、道統錄、陽明傳信錄、證人社約言、文集等書，皆原本性命，闡明聖學，有關世道人心者。

朱之瑜 字魯瑱，號舜水，明餘姚人，諸生。崇禎末，兩奉徵辟，弘光時，又邀禮召，皆不就。清兵陷南都，依黃斌卿於舟山。乞師日本，既許而師不果出，舟山陷，展轉日本交趾間。既而往來於張煌言陳輝軍，事敗，走日本。日本水戶藩主德川光國賓禮之。先生痛心宗國之未復，不欲西歸，遂卒於日本。居東時，覃敷文教，於日本之學術，有裨不尠。日本學者至謚爲文恭先生，具見先生感化彼邦人士之深也。

黃宗羲 字太冲，餘姚人，明御史黃尊素長子，師事劉宗周，尊素以劾魏闖死詔獄，比思宗卽位，先生人都訟寃，事時大白，忠孝之聲大著。魯王監國，出任左僉都御史。兵敗歸隱，奉母家居，肆力著述。其學主先窮經，而折衷於史，嘗謂明人講學，襲語錄之糟粕，不以六經爲根柢，束書而從事於游談。故問學者必先窮經，經術所以經世。不爲迂儒，必兼讀史。讀史不多，無以證理之變化。多而不求於心，則爲俗學。故上下古今，穿穴羣言，自天官地志九流百家

之教無不精研，從游甚衆，萬氏八龍，半出其門。言浙東史學者，推爲開山祖焉。清康熙中，舉鴻博及薦修明史，皆力辭。詔取所著書宣付史館，史局大案，必以咨詢。卒年八十六，私謚文孝。著有南雷文定，明史案及宋元明儒學案數十種，學者稱南雷先生云。

朱彝尊 字錫鬯，號竹垞，秀水人，清康熙十八年舉博學鴻詞，授檢討，纂修明史，是科由布衣入翰林者三人，公其一也。越二年，充日講官起居注，出典江南鄉試，所取皆知名之士。爲文雅潔澗澗，胎息深厚。詩尤牢籠萬有，與王新城並峙爲南北兩大宗。詞宗玉田，與納蘭飲水共爲清初詞壇二大名家。尤覃研經學，所著經義考，爲治經及目錄學者所宗。此外尙有日下舊聞，五代史補注，瀛洲道古錄，禾錄，明詩綜，歷代詞綜，曝書亭集，靜志居詩話等，並行於世。生於明崇禎二年，卒於清康熙四十八年，壽八十一。

萬斯同 字季野，號石園，鄞縣人，梨洲先生之高弟也。博學強識，尤長於史，

於明代十餘朝之事蹟，精熟如在腹笥。自以勝國遺民，拳拳明室，辭鴻博之薦。後以布衣參史局，明史稿五百卷，皆其手定，爲清修明史所本。徐乾學纂讀禮通考，亦多出先生手。康熙四十一年卒，年六十五，門人私諡貞文先生。

齊召南 字次風，號瓊臺，晚號息園，天台人，生於清康熙四十二年，幼有神童譽。乾隆元年以訓貢生舉鴻博，授翰林院庶吉士，纂修一統志明鑑綱目。擢檢討，旋晉中允侍讀。修會典及續通考成，陞侍讀學士，累官至禮部侍郎。十四年四月，圓明園退直歸，途中墜馬，傷腦幾斃，賴蒙古醫療治，補以牛腦始瘳，然記憶力銳減矣。晚歲主講敷文書院，歷十一年，育材甚衆。乾隆三十三年，病歿於家，壽六十五。生平博覽精識，尤邃于輿地。以鄞道元水經注明于西北而闡于東南，復不詳域外諸水，因撰水道提綱一書。此外遺著尙有賜硯望詩文集，史漢功臣侯第考，歷代帝王表，後漢公卿表，宋史目錄等。

全祖望 字紹衣，號謝山，鄞縣人，清雍正舉人，乾隆進士。於學無所不窺，而

尤以網羅文獻，表章忠義爲志。所著鮎埼亭集，文多有關明清間掌故，黃梨洲宋元學案，發凡起例而未就，先生爲纂成之。又校水經注，續選甬上耆舊詩，其他著作，富不勝紀。先生雖不逮事萬氏兄弟，而浙東史學，實至先生始昌云。

○乾隆二十二年卒，年五十一。

孫詒讓 字仲容，號籀齋居士，瑞安人。父衣言，清太僕卿，治永嘉經制之學，以文章風節著。先生，同治丁卯舉人，官刑部主事。早歸鄉里，杜門著書。累舉經濟特科，不起。晚年，總理溫處學務處，長浙江教育總會。禮部設禮學館，徵爲總纂，未赴而卒，春秋六十有一，時光緒戊申五月二十二日也。先生弱冠卽淹貫四部，其後專治周禮墨子及古文篆籀之學，尤精密無倫，章炳麟所謂三百年絕等雙也。生平著作極多。歿後吳士鑑奏請宣付史館列入儒林傳，從之。子延釗，搜訪詩文雜稿，寫成經微室遺集八卷，又編年譜八卷，於先生學術行事，紀述甚悉。

俞樾 字蔭甫，號曲園，德清人，清道光進士，官編修，提督河南學政，旋即罷官，專力治經。學宗高郵王氏父子，其大要在正句讀，審字義，通古段借，由經以及諸子。主講杭州詁經精舍至三十一年之久，爲一時樸學之宗。今孤山之俞樓，卽當年精舍諸生特爲先生所營建者。光緒三十三年辭世，享壽八十六。著述極富，春在堂全書，高可隱身，而羣經平議，諸子平議，及古書疑義舉例三書，尤爲畢生精力所萃云。

黃以周 字元同，號傲季，定海人，同治舉人，官分水訓導。承父薇香先生（式三）之教，竺治樸學，而不拘漢宋門戶，尤邃於三禮。所撰禮書通故，俞曲園稱其精微簡練，邁過秦氏五禮通考徐氏讀禮通考，實集禮學之大成云。餘著尙多。光緒間主講南菁書院十五年，造就甚宏。晚選處州教授，以特薦授內閣中書。光緒二十五年卒，壽七十二。



A541 212 0014 7210B

浙江史地概要

八〇

浙江史地概要參考書要目

雍正浙江通志 李衛稽曾筠修 傅王露纂

浙江新志 姜卿雲編

中國地理新誌 楊文洵等編

文瀾學報 浙江圖書館編

名人像傳 浙江圖書館編

本書纂述，用資參考之書甚多，除在文中徵引外，擇其最要者，列舉如右，其未舉者，非薄之也，爲篇幅所限耳。

9-166



H40162